

О'zbekiston Respublikasi
Samarqand viloyati
Xalq Deputatlari
Qo'shrabot tuman
Kengashi
QARORI



РЕШЕНИЕ
Кушрабадский районный
Кенгаш народных
депутатов
Самаркандской области
Республики Узбекистан

2020 йил 10 июль

№ 31-7-сон

ш. Қўшработ

**Қўшработ туманида янги “Янгиобод” маҳалласини
ташқил этиш тўғрисида**

Халқ депутатлари туман Кенгаши сессияси туман ҳокимининг “Қовунчи” маҳалласи таркибидан янги “Янгиобод” маҳалласини ташқил этиш тўғрисидаги таклифини ўрганиб чиқиб, қуйидагиларни қайд этади.

“Қовунчи” маҳалласида 1098 та оила яшайди. Унинг таркибидаги Ўразмат, Холбой, Хайтонбулоқ қишлоқлари маҳалла марказидан 5-6 км узоқликда жойлашган бўлиб, ҳозирда ушбу қишлоқлардаги 521 та оилада 1874 нафар аҳоли истиқомат қилади.

“Қовунчи” маҳалла фуқаролар йиғини Кенгашининг маҳалла таркибидан янги “Янгиобод” маҳалласини ташқил этиш тўғрисидаги таклифи, маҳалла фуқаролар йиғинининг қарори асосида ушбу маҳалла фуқаролар йиғинининг туман ҳокимига илтимосномаси киритилди ҳамда мазкур илтимоснома Географик объектларга ном бериш ва уларнинг номини ўзгартириш масалалари бўйича туман комиссияси томонидан маъқулланиб, вилоят ҳокимлиги ҳузуридаги топономик объектларга ном қўйиш комиссиясининг йиғилиш баёни билан ижобий хулоса берилди, туман Ер ресурслари ва давлат кадастри бўлими томонидан янги ташқил этиладиган маҳалланинг ҳудуди чизмалари белгиланди.

“Қовунчи” маҳалла фуқаролар йиғинининг маҳалла таркибидан янги “Янгиобод” маҳалласини ташқил этиш тўғрисидаги таклифи Вазирлар Маҳкамасининг 2014 йил 4 мартдаги 48-сон қарори билан тасдиқланган Шаҳарлар, посёлкалар ва овуллардаги маҳаллаларни бирлаштириш, бўлиш ва тугатиш, шунингдек уларнинг чегараларини белгилаш ва ўзгартириш, уларга ном бериш ва уларнинг номини ўзгартириш тартиби тўғрисидаги Низом талабларига тўлиқ мос келади.

Халқ депутатлари туман Кенгаши сессияси туман ҳокимининг “Қовунчи” маҳалласи таркибидан янги “Янгиобод” маҳалласини ташқил

этиш тўғрисидаги таклифига асосан ушбу ҳудудда яшовчи аҳолининг талаб ва истакларини инобатга олган ҳолда

Қ А Р О Р Қ И Л А Д И :

1. Туман ҳокими Х.Оқбутаевнинг “Қовунчи” маҳалласи таркибидан янги “Янгиобод” маҳалласини ташкил этиш тўғрисидаги ахбороти маълумот учун қабул қилинсин.

2. Туман ҳокимининг “Қовунчи” маҳалласи таркибидан янги “Янгиобод” маҳалласини ташкил этиш тўғрисидаги таклифи маъқуллансин.

3. “Қовунчи” маҳалласи ҳудудидаги Ўразмат, Холбой, Хайтонбулок қишлоқларини ўз ичига олувчи “Янгиобод” маҳалла фуқаролар йиғини ташкил этилсин.

4. Янгидан ташкил этилган “Янгиобод” маҳалласининг чегараларини акс эттирган ва тавсифлаган ҳудуди чизмаси иловага мувофиқ тасдиқлансин.

5. Янгидан ташкил этилган “Янгиобод” маҳалла фуқаролар йиғинига бино ажратиш ва маҳалла фуқаролар йиғини таркибини шакллантиришга қонун ҳужжатлари талаблари асосида амалий ёрдам қилиш туман ҳокимлигидан сўралсин.

6. “Янгиобод” маҳалла фуқаролар йиғини ташкил этилиши муносабати билан маҳалла фуқаролар йиғини ҳудудидаги оила(хўжалик)лар сонини ҳисобга олган ҳолда барча молиявий (штат бирликлари, моддий ёрдам, болалар нафақалари ва бошқа) ҳисоб-китоб ишларини амалга ошириш туман Молия бўлими (А.Холматов) зиммасига юклансин.

7. Янгидан ташкил этилган “Янгиобод” маҳалла фуқаролар йиғинига муҳр ва тамға тайёрлашга рухсат бериш туман Ички ишлар бўлими (З.Сувонқулов)дан сўралсин.

8. Ўзбекистон Республикаси Ер ресурслари, геодезия, картография ва давлат кадастри давлат қўмитасига Географик объектларнинг номлари давлат реестрига киритиш учун маҳаллага ном бериш тўғрисидаги тегишли ҳужжатлар юборилсин.

9. Ушбу қарор ижросини назорат қилиш туман ҳокимининг ўринбосари М.Шамсиева ва халқ депутатлари туман Кенгашининг Қонунийлик, ҳуқуқ-тартибот ва фуқаролар хавфсизлигини таъминлаш масалалари бўйича доимий комиссияси раиси А.Тўхтаровлар зиммасига юклансин.

Кенгаш раиси



Х.Оқбутаев